

祀主记

瑄 先世由江西吉水谷村花树下分派家谱世系以唐西平忠武王为一世元至正初月洲派二十六世祖 仰茂字子选号重十公迺卜居湘阴之荆塘村为湘始迁之一世传至六世祖三洲公迁于邑中修立家谱追源溯流水木之思靡不切切缘会大父廉宪 近麓公迄先考法麓公俱以王事靡监弗克如原仲兄象珠清初任衡州府教谕会于安福受業高君一元郵傳音問確有遷旆故里之訂不意构疾辞职而遂捐馆舍矣瑄也不肖伤心祖父兄有志未逮不憚贫苦于今壬子正月朔六日束装就道念日获抵谷村念九日拜谒花树下月洲祖祠二月朔日拜谒 忠武王大祠荷族尊子和大人展示家谱载子选公之父 申九公葬湘阴堤上后园配黄氏葬本里村前柯树下朔六日于柯树下拜谒 黄孺人之墓从茅茨中覓断石一片上镌黄氏申九孺

人之墓虽历年久远封土如故未丑兼艮坤山向含泪稽首心甚畅然是夜迺梦先祖母于途中执予之手若相留状惊觉展转实喜且疑早起为诸族尊言之感慨间忽有来告者曰昨夜祠堂闻震响声家人皆惊相率往观果见一主仆地起视之粉面塵堆陷中有字二行旧黄氏申九孺人葬面前山柯树下有子选客寓湘阴一时见者莫不称异诸族尊僉云二百余年来子若孙并不知黄氏有主此祠凡四迁又谁知此主为黄孺人也以经十一世之魂灵尚感应如此噫亦奇矣黄孺人即托梦矣使木主不震响于祠谁其往而观之祠堂主以百千计使不偃仆又谁其一一而启视之则孺人之主终湮没矣琯于初十日奉主言归十九日抵湘命工为灵小寢绘以朱丹择三月初一日用猪一羊一香楮告文率子孙弟姪罗拜迎祀尊之羣祖之上焉因援笔直书以记之俾后之人有以知黄孺人木主之所自来云尔